

SINOPSE DAS ACTIVIDADES DO PROGRAMA *VIGO ARRÓLATE*

***Contos do chupete* (Bea Campos)**

Bea ten un problema... o seu lobo ten chupete. Cada vez que llo intentan quitar, chora. Pero chora moito... a quen se lle conte, un lobo con chupete! Está desconsolado. Contos, cantos e cancións serán a solución.

Contos do chupete é unha sesión de contos para bebés na que se integran música en directo, literatura infantil, expresión dramática e tradición oral. Os/as cativo/as poderán chuchar contos, cancións, etc., ata encher a barriguiña nesta proposta para bebés na que gozar en familia.

Duración: 40 minutos

***Contos no colo* (Bea Campos)**

Contos no colo é unha sesión de contos, cantos e arrollos para bebés nos seus primeiros meses de vida. Nela os/as cativos/as compartirán con aqueles/as que os/as coidan un momento de pracer, lonxe do ruído e os quefaceres cotiáns. Desta maneira, espertaremos xa nos seus primeiros anos de vida un interese pola literatura, a música e a tradición oral a través de contos, cancións e pequenos xogos.

Duración 30 minutos

***Cantos contos* (Mai Lúa e Noite)**

A través de sons, sinxelos xogos e cantiguiñas, achegaremos as e os cativos a un mundo de cores, sonoridade e movemento.

Duración: 30 minutos

***A viaxe de Lup* (Soledad Felloza)**

Lupodivico Fernando Gómez de Tipiminí é un lobo moito máis pequeno que o nome tan longo que lle puxera a súa nai, por iso todo o mundo o chama Lup.

Lup, un día, preparou a súa maleta e foi dar a volta ao mundo.

Un xersei, unha bufanda, unhas medias quentiñas, un libro de contos, unha pucha, unha mantiña, a cámara de fotos, unha chupeta... unha chupeta!
Unha chupeta é unha cousa para levar nunha viaxe tan divertida?

Espectáculo de contos con son, versos e pequenos obxectos.

Duración: 35 minutos



Fíos do querer (Cé, Orquestra Pantasma)



“Tecendo coas agullas máxicas do amor, dos bicos, aloumiños e fermosas primeiras experiencias compartidas e celebradas foi medrando *FÍOS DO QUERER*, resultando envoltorio agarimoso para xogar, cantar e bailar cos nenos de colo”. Estas palabras serven para presentar o traballo en formato libro-cd de Cé, Orquestra Pantasma, vinte e catro sinxelas e agarimosas cancións.

Duración: 45 minutos

Toín, Toín (Raquel Queizás)

TOÍN TOÍN

de Raquel Queizás

É hora de durmir, hai unha fermosa lúa arriba no ceo. Todo está en silencio chsssss!



PRRRRRRR!!!! Popopooooo!!!! TOIN TOIN!!! A pequena coella non para de brincar, non quere durmir sen o seu conto. Papá coello comeza a lerlle un conto, e de súpeto antes de rematalo, papá quedase durmido Zzzzzz!



A hora de durmir sempre se presenta como unha aventura.

TOIN TOIN é un espectáculo de contos con monicreques de mesa acompañado de instrumentos musicais sinxelos para gozo dos máis pequenos da casa e das súas nais e pais.



Duración: 30 minutos